



十四父卷十七
體詩

和16
1.239
5



16
1259
5

午亭文編卷十四

門人候官林信輯錄

今體詩

丙寅元日朝退呈內直諸公

曙色葱朧右掖門上趨北極侍含元
鑪烟風轉銅龍仗
燎火寒迴白獸樽欲報
聖朝無闕事
濫重經席是深
恩多慚衰鬢
青春早映日宮花
壓帽溫

敦復澹人二學士見和除夕元日詩疊前韻二首

春色蓬門取次還
總無過客也須關
休辭白墮頻傾醖
顏却青錢忘買山
爆竹誰家方競勝
桃符昨夜豔投閒
椒花滿眼紛相映
笑煞頑夫老更頑

組治文書久拒門
年光幾度向朝元
殘經獨抱時開卷

歲酒將闌已合樽悶遣葦桃驅路鬼戲從魚鼠問長恩
春寒切憶鴛鴦侶身在凌霄氣象溫

上元夜扈從出永定門作

對仗金牀下殿行玉街車馬溢春聲天迴烟景低帷殿
野曠星河出幔城北斗龍杓隨鳳輦東風畫鼓雜鼉更
歸來獨擁殘書坐一穗缸花夜笑生

李唐長夏江寺圖於大內見之宋高宗題云李

唐畫可比唐李思訓

花石綱殘良岳空湖山金粉畫難工那知零落風烟外
卻閉金函玉櫝中

水邨圖二首

并序

水邨圖趙文敏筆也自署云大德六年十一月望為錢
德鈞作元人題者五十一人皆秀逸可喜康熙二十五
年歸於大內時在直廬得縱觀記以詩

秋雨秋風澹墨間燕雲粉本映關山百年智巧銷磨盡
却在清江水石間

菰蘆門外水連天我已移家約釣船從此烟波秋色遠
憑誰先寫舊樊川

張尚書賜金園圖

鸞坡鳳閣畫沉沉畫裏龍眠著意尋田宅漫成歸老計
江湖頻有託居心買山不比千秋觀置酒何須太傅金
直使君恩滿巖壑流傳勝事紀園林

春夜懷富雲麓侍郎

勞勞亭下水淙淙送客沙頭倒玉缸
萬里長風吹別袖
五更疎雨落寒窗
羈魂炎海離愁潤過眼紅塵老淚雙
城角欲殘清夢斷相思惟有片心降

新居送素心歸里

窗閣新開客過稀
茅茨只似舊雙扉
清明歲閨花禁折
風雨春寒燕未歸
青鬢流年思弟妹
白雲長日戀庭闈
因君為問田園事
何處烟波無釣磯

陳白陽畫果蔬二首

正是江天櫻筍初
谿邨風露顯園蔬
春華開落多秋實
老圃吾生愧不如

肉食朱門客滿堂
何人解識菜根香
鱸魚大有江東思
只是蓴絲味亦長

晦日信芳齋遣興

萋迷春色老塵沙
晦日風光感物華
粗有軒窗安客舍
儘教籬徑似山家
天涯曩曩逢歸燕
世事紛紛送落花
一種垂楊愁萬疊
輕烟搖颺日西斜

楊花六言二首

物態森如枳棘
客心弱似楊花
忙過雕闌玉碣
閑投茅舍山家

垣短條垂弱縷
水明葉蘸微波
燕語巧催春去
花飛知奈愁何

賜衣二首有序

閏四月二十八日直 內庭

上遣內侍問臣廷敬在否有頃賚

賜御服紗衣臣同臣英臣士奇臣訥實被

恩賚穀文金鈕御香宛然且

諭曰是朕所嘗服者臣服之感而紀以詩

天機雲錦 帝垂裳解賜丹霄黼座旁不是裁縫收在

笥玉篝新染蚤時香

碧紗鍼縷海圖明垂領蕭蕭素髮驚天上著來人欲老
不禁清淚卻霑纓

齋中讀書即事二首

緡餘殘史意厭厭清簟斜曛晝下簾笑憶相如逢狗監
懶從詹尹拂龜占心如苦筍風還折愁比黃楊閏更添
剩有草庭生意在筆花頻夜夢江淹

花時事過甘頭白老境春殘奈酒濃近日情懷還漫浪
幾人語笑更從容折臂已媿陶彭澤矢口常憐阮嗣宗
遺事吟殘杯一進五更睡美不聞鐘

次韻繆虞良見懷之作

載酒題禱少舊歡鬢絲藥裹在長安翻餘汗簡常多忘
畫出河圖欲細觀時方學易薑蔗歸田羞負郭風騷投老笑登
壇知非已迫桑榆晚袖裏殘文擬自彈

送故人王德新還太原三首

明月關門影漸高
朔風猶照舊綈袍
離情遠似桑乾水
難斷并州快剪刀

白雲汾水影離離
又是秋風雁去時
落盡別時官閣柳
晉陽宮畔最相思

曾將刀筆傲通侯
挂檄歸來汗漫遊
畫楹香螺桑落酒
青州從此勝涼州

王嗜酒選為尉不赴

琉璃盛水蓄魚如
鯽者三兩頭外視之
條小而大游泳下上
而見魚之多至不可
勝數于子龍秀才為
詩戲和

掉尾鯨波笑伏鱗
眼光如海蝨如輪
晴窗試檢蟲魚注
亦是天涯磊落人

丙寅除夕擬易圖成示虞良樾

玉漏金壺夜色新
藜牀蔬食不嫌貧
自成蕭索門庭在
無那歡娛節序頻
蠟炬椒花迎歲酒
火銷香炷隔年人
更闌點檢殘絳罷
勘得浮生處處春

丁卯元日即事示兩兒

華髮朝天蚤劇忙
青春閑閣興還長
年光得得如流水
旅夢蘧蘧向夕陽
驥子誦詩驚過客
虎兒弄筆勝諸郎
一枝應逐桑榆煖
三徑何當在帝鄉

初春與與可

書卷生涯避要津
雀羅門巷燕鶯頻
也浮翠柏尊中酒
已放紅梅硯北春
五夜霜霏殘醉醒
萬家烟景一時新

朗吟夢草西堂句好在池塘未是貧

上元夜簡 內直諸公

曲宴傳柑記往年疎星澹月故依然張燈小巷春無那
羅雀聞門意自便節過欲泥丹竈火夜來重熱 賜鑪
烟九衢簫鼓三更夢又是 君恩放假眠

寄湖上翁呈敦復翁敦復死也

久向烟波擬釣筒移家有約竟成空平生解愛江南客
晚歲心知湖上翁香草舊蓑間卧月蘆花小艇不驚風
眼明細寫烏絲字寄與東華問軟紅

晚春下直同健菴侍郎

如寄人生欲奈何野桃村柳又蹉跎百年強半酒人散
四年春日與諸公
贈上諸公水邊看柳二十四番花信過細玩流光真漸少總攬塵
網也無多軟紅歸馬東華路好點青燈照醉歌

閱農應 制 四月十日 御乾清宮臨視諸臣作

聖作勤三事 天行啓四聰有年惟 帝力無逸即田
功桑柘扶鑿輅茅茨駐玉驄野花穿仗發山翠拂旗空
壤繡紛交錯川長引鬱葱嘉禾方剌剌瑞麥已芄芃
慶濯枝雨柳眠吹絮風周原千畝綠漢粟萬箱紅下濟
光明遠高居造化工年華丹禁裏烟景慢城中粒食增
堯七熏絃倚舜桐九農應送喜歌舞海隅同

禹鴻臚畫樊川歸樵圖

巷柳園花又一巡二毛加白向青春平生但可供描畫

面目於今是假真蔡澤輕肥原有相揚雄容貌不踰人
東薪已辦腰鎌具寫入樊川小樣新

晚同儼齋侍郎下直

長遣雙扉去後關曉風驅馬夕陽還曹司愧點圖書地
筋力虛陪供奉班正落殘花留意別欲棲幽鳥笑人頑
城鐘未起燈初上了得公家事蚤聞

排悶

一步強彎一寸弓滿船齊看滿帆風呼牛應牛故爾爾
得馬失馬何怱怱橡栗生涯愁杜甫蛙蛇家口老盧仝
此身真作浮游計到底輸他造物工

閏歲七夕前二日

咫尺神霄奈若何頻年相望不相過頭童烏鵲忙如許
節厄黃楊閏較多秋到雙蛾驚歲月天留老眼見星河
九疑凝睇峰皆似不比盈盈一水波

蓼花

臨砌妨檐短秋來孌孌長綠梢新雨霽紅透晚風涼野
水蘆花外江村竹篠傷只應伴蓼簪繫艇近斜陽

七月九日

召左都御史臣廷敬侍郎臣乾學學

士臣英侍讀學士臣士奇編修臣訥賜食西

苑秋雲亭遣中使就賜御書及內製法瑯塗

金鑪餅匙著香合各一恭紀五首

駕行拂曙影斐回風舞槐龍翠作堆北極金輿天上轉

西清黃繖日邊來從容刻漏傳仙餽親切烟霄侍 帝
臺 詔許甘泉承曲宴幾人榮遇得追陪

御匱書卷日相隨 勤政簾前奏對時文囿先知新稼
穡堯階不剪舊茅茨渚花含笑移舟近水鳥銜恩度檻
遲自有衢樽聯鎬飲微臣長誦蓼蕭詩

鈿軸開函翠帕舒義圖韻迹豈能如驪珠何止千金賜
鳳藻曾經萬卷書日曆之須編翰簡流傳應許到樵漁
桑榆記取茅檐下長捧 恩華望屬車

珍錫琳瑯列禁筵博山新製侑嘉籩含熏欲泛金莖露
宿火猶分玉篆烟光爛卿雲逢舜日文雉寶曆紀堯年
銀罌翠管休相擬歸路天香滿繡韉

龍尾追趨內掖門綴班烏署直微垣飲知 中禁蘭庖
味別賜西園玉膳恩坐對宮花偏露重歸來臺柏帶春
温叨隨芝閣分藜火剩有冰心奉 至尊

九日晚晴臺沈飲

九日恩恩節序頻高臺搖落上逡巡生逢白髮相欺老
家有黃花不散貧愁遣眼前憑濁酒名爭身後是癡人
牧之詩句陶公興笑口常開漉葛巾

鄉人王疎菴先生為太宰時構水鏡堂於署後之

東南隅余在翰林以事曾一至焉今謬繼公後
瓦礫荒草故處不可復問冬夜宿署中感而有

作

水鏡堂曾到遺踪，悵莫尋。烏栖荒署，蚤葉落短垣深黯。
澹題名字蒼茫，啓事心夜寒。霜月白猶照古藤陰。

靈祐宮夜憶石閭

抱膝支頤計未非，黑甜贏得到斜暉。飄蓬欲訪敲文去，
度世終思跨鶴飛。自為逃名甘隱吏，已因觀妙解忘機。
石閭流水寒松夜，一枕騰騰夢裏歸。

五十初度

華髮童心老竟真，自驚身埒老人羣。新詩翻許推高適，
健筆猶誇屬右軍。梅柳眼看過至日，犁耜手把向春雲。
青山舉白一浮汝，自此相從已暮曛。

夜過六友齋與越阡

客舍一柴荆，歸時夕照明。寒花簾外影，新雁月中聲。老
境親書卷，幽懷託友生。秋齋燈火近，城柝易深更。

與芸夫

沙塞鴻飛日，風林葉落時。百年猶旦暮，往事益淒其。屠
狗身宜貴，雕蟲技未奇。急將瀟灑意，為緩髻成絲。

晚晴臺咏懷示謙吉

晚晴一上晚晴臺，片片明霞映酒杯。燕掠檐牙殘靄去，
柳低樓角夕陽來。經過物理愁眉放，勘破生涯笑口開。
田舍未成頭半白，青山買得敢裴回。

大行太皇太后輓辭六首次都御史徐乾學韻

帝孝重華並，慈徽太姒齊。陵園新玉座，匱匣舊金

泥長樂疎鐘外瑤池落月西雞鳴思問寢龍尾接城隄
警衛連宮仗行帷出苑牆鶴驚宵館露鳳咽曉樓霜
柳飄哀輓 陵花濺淚行盡聞 天子孝親切侍中郎
尚想戎衣著謳歌起鎬豐親逢開創日身享太平功
物 三朝備榮哀萬國同還因思厚載率土泣攢宮
倚廬心未已歎粥孝難名素鞞鑿刃斷 詔步詣陵園斷
鞞劄以示不抑 青
繩砥道平攀號 天步遠顛顛 聖顏清臣庶皆人子
誰無感激情

神光留武帳雨淚變形幃雲慘青山暮風纏紫極悲金
蠶寒食後玉燕上陵時苑柳年年發長垂寢殿枝

禮成衰經盛制與諒開同詔諭情何限封章意未窮
劬勞知 聖德忠愛結臣衷孝饗榮名貴清歌小閤宮

王黃蘗在吏垣有文名沒三年矣夜宿省中追悼
有作

禁掖難勝感舊情諫坡留得幾人名夢醒月落朱顏在
宿草春來老淚傾

孫忤庭少司馬來赴 國恤憶往時余與忤庭同
環溪先生禮闈校勘連牀數晨夕今蔚州歿而
余銘其墓有存亡之感為詩別忤庭兼呈高念

東先生二首

知君定似阮光祿朝罷山陵卻便還忍說淒涼十年事
更誰追別到方山

歷下羣公海嶽姿風流耆舊是人師相逢一爭煩傳語
無媿新阡有道碑

合和羹二首并序

合和羹襍菽麥野菜為之太史公所謂民之食大抵飯
菽藿羹者是也然自秦及燕趙皆食之而南方聞者每
竊笑焉嘗與南溟湘北宿左闕下二公皆南人而獨喜
食此且為歌詩以見贈余亦和而歌之所以志余之辱
交於二公亦以物之幸而見知於世有如此也

衢歌含哺敢忘情華省翻憐麥飯名不笑唐風多儉陋
茅茨曾啖小人羹

鹽豉休烹婁護鯖山蔬點就瓦盆盛交情淡久真如水
肉食何人憶大羹

大行太皇太后仙馭遐升 詔行倚廬之禮百官有司

更進通諫 詔旨開喻益切宣聽之際恭紀以詩
彩仗金輿隔暮雲倚廬涕淚溼斜曛已知孝饗同虞帝
何止暮禫似魏文苴杖三年千古事封章一日幾回聞
他時青簡留題處惟有芳名屬 聖君

除夕同南溟容齋即事二首

一院梧桐影漸移西垣山色在簾帷欲尋蟻窟抒心跡
辨取樵漁寄鬢絲林鳥倦隨鴛鴦後野梅蚤避燕鶯時
草廬門巷斜暉外禁省端居有夢思

檉馬林鴉節序頻同曹聯步集蕭晨銅龍日冷東朝會

金爵星明左掖春欲盡漏鐘添一歲不須杯月得三人
踈燈寒燼淒其夜青瑣相看鬢似銀

鹿尾

塞草秋肥斑鹿鳴那知斷尾是珍烹三驅解識 君王
意長憶 慈寧進 御情

戊辰元日左闕下呈南溟容齋兩少宰

過眼交游閱世忙星趨漏散只隨行春遲荀令香三日
正月三日立春花共江淹夢一牀剩有蓼芽驚節物更無綵勝惜
年芳相依渾似舟船坐夕照蓬窗影漸長

疊元日韻與兩少宰

擾擾塵埃一夜忙新年追逐在班行崎嶇阮籍東西路
顛倒元龍上下牀臘退柳桃應自媚辛殘薑桂有餘芳
蒼顏白髮吾曹甚愁入青春睡味長

春宿左掖高二鮑給事空所居室以居奈二鮑工
畫嘗為余作修禊圖末句及之

掖垣栖鳥暮啾啾襟被居然接勝流賀革方牀纔六尺
士龍瓦屋在東頭周廬宿火多時共燕寢清香盡日留
不是南山來伴直畫圖輞水已同遊

春日晚歸書懷

一官遲重寸心清榆莢園時柳絮輕衣上緇塵渾不染
鏡中華髮蚤忘情鶯花怨客侵愁老蠶蝨欺人薄肉生
暝色不歸歸亦倦挪揄路鬼正縱橫

睡起晚晴臺野眺懷南谿遊好

一枕黃塵眯眼開關河清夢片時回屢因春睡思長假
祇為鄉心上小臺雙闕萬家還聞寂孤烟落日共裴回
故園只在青山外管領鶯花待我來

昔使廣寧出東便門十三年矣今春重過此門感

成

城門曉色暗啼鴉征馬長嘶向積沙雨雪關山初出塞
清明時節正思家鄉心萬里逢歸雁野館三春見落花
少壯遠遊俱寂莫祇應衰晚惜年華

大風落花二首

自入青春只醉眠花開花落捲簾前顛風作意吹將去
不是花時不放顛

風本無情一陣空花如有意向春風殘香徒倚斜陽外
飛入儂家酒醖中

口號與翁寶林少宰

春城楊柳三眠後江館櫻桃九熟時贏得殘年歸計晚
眼中花霧鬢邊絲

九日夜雨

何處登高會端居獨掩扉草蟲閒自語霜雁遠還飛殘
夜開籬菊高秋見篋衣南谿今日酒醖酌幾人歸

雨夜懷思母菴

小幕窗風入閒堦檐溜懸苑鐘疎點外塞雁曉聲前漱

石三秋雨流花第二泉為親從祿仕書信問歸田樊山慈
泉第一泉也菴之泉為第二

送荀少之官臨湘

落葉滿征衣鞭絲挂夕暉壯遊非寂莫歸興卻翻飛白
髮一莖蚤黃金萬事違宦途憐小弟慎莫愛輕肥

畫鷓鴣

翻翔鷓鴣雀在高秋老隱天台用意幽但欲雕籠開別墅
至今常笑郭營北

題蔡方麓修撰寫真二首

青縑被暖火紅銷正是熏衣事蚤朝幾日金鐙歸院晚
天寒須整侍臣貂

蓬山靈鶴鎮常啼鈿索聲寒曉月低一卷牙籤心十載
東華壯鑰汝南雞

橄欖

祝鯁何煩戒老饒解醒不畏酒頻添葉飄柳枝邊弱
身帶桃膠味後甜誰解撥魚堪作楫最愁調和要無鹽
縱教苦口心還在寒綠森森色正嚴

歲暮閒居二首

頻年萬事苦紛拏頗喜衡門賦索居子度何堪署紙尾
河東空解誦亡書江梅有信衝寒蚤窗樹多情帶月疎
茗椀藥囊隨客意殘杯冷炙待何如

平生癖歷少清歡又覺蕭條節序闌世上宦遊今已足

天涯風物幾回看
杏花眼孔三春熱
梅子心腸隔歲酸
迂叟當年思一笑
閒居洛下不休官

戊辰除夕與樾阡

休將樂事等虛名
魚躍鳶飛妙莫聲
千仞跋羊行自喜
一時駑馬路羞爭
冰霜不惜經殘夜
泉石終堪託此生
會得舞雩童冠意
春風何處不春情

己巳元日與樾阡談白沙之學效其體作二首

桃符土梗浪相侵
舊雨何人肯見臨
一日又過誰用力
百年空老未求心
鶯花有約春還到
風月無邊樂重尋
回首姚江成別派
輸他嶺海自閒吟

歸老羲文物候侵
更看著劫布成臨
布著得詩因聞道知
真味學不求名見
自心白日只今耽
酒過黃梁何用曲
肱尋紛紛得失遺
編在留與閒人作
笑吟

春日出城看花戲作四絕句

賣花已喚山桃開
馬軍走探園花回
風花爛熳喜相報
明日不出狂枝摧

出門十里旋治裝
賃車借馬半夜忙
料得旁人破口笑
觸忤物態神暗傷

西鄰杏花亦不惡
兩株夾籬牆頭紅
比似摩訶菴裏樹
千株萬株同春風

憶昔年少看花時
城邊水樹梁園池
故人雖在少音信
閒門惟有春風吹

春日經水樓感舊

浮雲閱世開門中惟有閒游事不空過客竟誰如舊雨
尋春相識是東風多情柳絮依然白無主桃花只自紅
吟散酒樓人在否懶將詩句寄郵筒

春游

韋曲城邊灞水涯詩籤酒榼鎮常隨閒花滿樹春蕪長
正是先生行樂時

社日遊城南看花不飲自嘲與樾阡

黃四娘家花朶紅多情白髮颺春風佯聾入世君知否
社日何妨酒醖空

竇在茲至懷韓韓山

問汝西來事韓山是山花隨釣艇叢桂掩柴關
觸經時別低徊落月顏相憐清泊曲幾度共潺湲

書查夏重蘆塘放鴨圖二首

春水江湖掉浪輕扁舟烟雨有誰爭白鷗萬里滄波興
偶寄紅闌闌島情

君是金鳧殿裏人寒蘆鷗鳥却情親相隨欲作江南老
魚藻池邊又過春

社日不飲有詩漫與樾阡未幾兩耳岑岑有聲經
旬不散對酒戲作

顛倒春來事沉冥物外情一杯還酩酊兩耳任朝轟鶯
語都無次花飛別有聲回憐社日酒爛醉不辭傾

春晚

檐角殘紅斂牆陰暗綠斜月侵飛絮柳風弄折枝花春色閑將盡霜毛陡自加不愁難過遣飄忽是年華

書局與健菴

池上人看老鳳來多情鷗鳥合相猜休言洛下閑居事猶是西京御史臺

孝懿皇后輓詞六首

軒曜璇階映長秋網戶絨玉衣人自覆石字燕來銜鐘乳調靈七文螭進別函琳塗縷隔日園寢泣松杉

長慟彌留際禴衣送寢門大文推陸九盛典邁貞元冊

蓋崇朝並榮哀奕葉尊勤民知內治脫珥是深恩

白日凌虛散清秋冷桂宮星娥一夕返雲馭九霄空

灑銀河水悲纏玉樹風詠歌傳六寢應紀二南中

楚輓悲鷺輅虞歌咽鳳笳燎庭殘曉月叢殿落秋花北

首青山近西風絲仗斜公桑零露葉猶望濯龍車

每憶朝陵日宮車並往來花迎綃帳合柳拂幔城開

董路皆陳迹山園引舊哀夢回閑故館涼雨溼莓苔

景霄凌烟貴神儀偃月長安身應地厚聖善翊天王

異豈徵沙麓祥曾定洽陽宵衣思女則遺澤及遐方

竹林寺觀一峯道人畫

千古高風憶閉關地偏人靜軟紅閒坐深祇樹雲常空朝散清都鶴自還身度尾箕燕斗宿跡留方丈海神山

前塵影事三生話珍重晴窓學駐顏

木瓜二首

正是橙黃掩綠陰秋烟一樹照華林
色殘檣袖揚州貢
投比瓊瑤衛矧心霜實豈應防化枳
寒香終不逐來禽
宣城洛下無芳訊長伴江梅入夜吟

朝雲曉靄忽蕭辰纔過花開落寶新
盧橘寒分秦苑雨
海棠色借蜀江春削泥藥龍兼防老
漬粉香隘不勸人
更與封題霜後穎清芬也合避緇塵

午亭文編卷十四

男壯發恭較

午亭文編卷十五

門人候官林信輯錄

今體詩

巢燕再逾年復至

風掃巢痕在今年燕子回語多如有訴別久莫相猜
芳徑春泥落雕梁夜戶開翻驚此時節去歲不曾來

追和南溟韻四首

寒鑪瀹酒夜霜濃醉別西垣夢裏逢一院梧桐秋影散
併將風落入飄蓬

薊樓明月照相思曾是金樽宴別時萬里碧空消息斷
天風吹墮玉霄詩

金閨楊柳落疎林香散羅衣怨葉砧未老蛾眉思總在

幾回憐取白頭吟

看犁騰蹋過羊腸力盡金鞭去渺茫近見紫鸞書一紙
人間路比海天長

再到冬官署中與劉雨峰

東閣南枝放早梅何郎水部有詩才書生自笑曾前度
小睡槐根噩夢迴

松泉寺晚宿

松泉寒夕照黃葉墜疎村石徑秋花弱風廊佛火昏川
長雲宿渚野曠月臨門鐘磬此俱寂霜林夜鳥翻

送金會公歸蘄春

朝發新津海月斜路可雲水極天涯飄殘暮笛江城柳
照徧離樽上苑花紅燭三條知己淚秋瓜五色故侯家
頻年萬事悲歌外至竟騷人楚調賒

九日晚晴臺登高

臺為登高面落霞菊門山色晚晴賒關河風度長城雁
節序霜回小院花南陌咫尺天如杜曲東籬終古是陶家
衰遲醉舞秋鐙下顛倒茱萸插鬢斜

杜遇徐司寇以合歡花葉為酒示余以方釀成飲
而陶然賦謝

黃落庭隅樹封題葉半新花應知夏五

花開以五月采
葉及花未開

酒已

作逡巡采勝修羅法香逾麴米春嘉名愁頓失况復飲
吾醇

飲合歡酒疊前韻簡杜司空

青裳風汎溢紅頰暈鮮新見少常深酌無多祇一巡西

家非醉酒

非醉酒林開府家醞也

東閣太和春

真定酒名太和春梁相國嘗召飲

玉醖空勞

勸香醪未比醇

于役潞河見月初上光轟河水兒子壯履曰此黃

金棟也賦以志興

月滿冰輪霜氣寒東來倒影海雲端小兒解識黃金棟
供奉曾呼白玉盤尺五天連河漢水大千沙傷鷺鷥湍
多情野宿臨流處自向篷窗照夜闌

送張僉事之海南三首

五羊城邊竹馬過琵琶州上估人歌使君不飲貪泉水沈絲休挂珊瑚柯

黃葉初飛黃木灣鷓鴣聲送早時寒鐵岡驛前書一紙

秋風篋裏為開看

持節梅花嶺外時趙陀臺草鬱離離西風又度昌華苑
秋色年年長荔支

高粱橋二首

日斜秋水急城盡野橋連靈沼通河漢公田引澗瀍
花隨唼鴨風柳出鳴蟬山閣清暉裏依稀近玉泉
車箱渠上水迢遞遠郊畿渡遠分青靄山長歷翠微落
花穿內去斜鳥帶波飛無限潺湲意年年送夕暉

王湜菴輓詩

孤風晚節不磷淄矯矯曾為世羽儀豈信已辰年至後
遽驚庚子日斜時琴殘最抱人亡恨車過空留腹痛悲
舊德未忘矢意在烏衣門第屬佳兒

直廬懷公幹計偕載道

春草相思入夢無龍池柳色映新蕪玉墀金馬摩挲老
悵望吾家白額駒

張敦復尚書屬書齋額仙人好樓居

元龍百尺意橫秋湖海平生已白頭青鳥近傳天上信
果然人在玉華樓

和敦復悼馬詩二首

顛顛金皮喋蹙行三鬣剪出欲平明青絲送老橫門道
不盡黃雲萬里情

驚雷驟雨識危途電火光中躍的盧不為錦障泥暫惜
報恩珍重在斯須危點夜雨馬却立待電光以度

閨中花朝前一日阮亭司馬談江南烟景之勝二

首

柳陰湖水綠平漪欲傍漁洋下釣絲記取花朝明日是
幾番風信對牀時

布襪青鞵向若耶蹋殘香土肯移家夜來客夢遊天姥
開落碧桃無數花

題燕居課兒圖示壯履

黃紙凋殘舊帽箱一編猶映紫羅囊繩牀穿膝知吾老

書案量身覺汝長自讓輕肥非蔡澤不憂文史續中郎
紛紛箋注如烟海回首尼山數仞牆

冬官署中南亭敦復所葺茲予再至實承乏公後

而敦復權領翰林夏至之夕齋居有懷

乾坤蕩漾兩浮萍歲月樊籠意渺冥再到冬曹新燕壘
百年喬木舊槐庭吟成白雪人難和夢續黃梁客半醒
惆悵玉堂明月夜柯亭劉井幾回經

六月九日睡起偶書

長夏炎熇閉閣時水曹官冷也相宜盆池萍響魚貪食
梁壘泥乾燕哺兒鍛火未能同士季扇塵何惜避元規
上恣沈叢皇夢睡裏蘆蘆欲共誰

量移西曹與可以曹屬引避歸里送別

杜隴應騰笑西曹欲別情驪駒歌已就春草白難成老
眼青山迫迴腸濁酒醒到家及秋社款款話歸耕

西原與友人二首

過雨殘霞一閃明夕陽林影路迴縈勸君莫向城中去
且聽黃鸝三兩聲

暝宿烟村生遠情野亭客夢幾回驚松窓常有瀟瀟響
不辨松聲是雨聲

露滑閣即目

元龍湖海意闌珊百尺高樓抵閉關斜日香臺低碧樹
暮雲粉堞近青山愁添酒釀真無那獨對花枝底要閑

御笑書空殷處士浮名長戀在人間

新齋十首

前度人還在三間屋又成劫塵容小住丹藥覓長生赤
斧分曹日洪崖抗手情別來應未久且緩玉霄行

牙籤新未觸壚酒舊能賒戲蝶輕團陣分蜂晚斂衙粉
牆低過竹籬徑窄妨花莫道幽居小樓頭十萬家

卜築平生意高樓獨上情扶欄新種柳隔葉蚤聞鶯坐
久雲還岫歸遲月滿城稍愁風露夜玉漏太分明

高處三霄近秋來四望低月從遠海上雲向薊樓齊估
客滄洲酒園丁上谷梨當筵聊一粲身世忘羈紲

草堂兼水石不似在城中柳影魚游樹花梢蝶戲空野
烟濃趁雨材暑薄隨風旦夕簾櫳寂幽懷誰與同

門掩山全見窗迴路半分簾花新雨動堦草夕陽熏陰
借西鄰樹涼生北渚雲素紈今夜卻林月照紛紛

鈎簾殘日落移坐遠風斜徑曲供行藥籬疎可映花無
題詩得句有酒客忘家最是登臨處秋山爛晚霞

千古高人意風流屬畫師烟雲為供養粉墨自淋漓蹈
海黃金賤登真白晝遲公生有仙骨名已重當時

藏一峰道人畫

祕寶黃公蹟兼珎亦世無雲根留米癖樹本見倪迂靈
物如相待斯人可與徒摩挲憐手眼歡賞在須臾

黃公畫為祕寶而元章硯雲林畫皆齋中所藏

閑庭何寐歷疎雨過廉纖銀浦倒流峽玉繩低挂檐劍
風出匣冷琴露著花露自忝金閨籍年來仕隱兼

晚行西山道中

一出譙門野興濃回看樓闕暮雲重西風吹送高粱水
晚景飄殘卧佛鐘十里清蟬聲斷續獨驅羸馬意從容
眼明漸覺西山好潦倒塵埃萬事慵

閏七夕

閏餘風景故依然秋未平分月再弦不為黃楊逢厄歲
那知紅粉惜流年世無巧曆推今夕天上仙人應獨眠
寄謝悠悠路傍客炎涼誰後復誰先

送宋稚恭還鹽城兼寄孫籀菴

名場文譔是離亭一曲迴腸事滿膺水鳥聲多喧夜雨
壁蟲吟蚤暗寒鐙秋來頻送將歸客老罷真如退院僧
心與清淮流共遠幾回長歎憶孫登

自嘲戲為俳體二首呈敦復

三復金銘與白圭敢云桃李下成蹊都昂一日三回誤
阮籍頻年到處迷伏櫪老非千里驥當關愁奈五時雞
無因一問南華叟秋水篇中物未齊

窗前草長未教除零落秋花伴索居蝶夢欲成人昵枕
雀羅長在客迴車悶翻千寶搜神記快寫羲之誓墓書
惟有龍眠老居士昨朝儼直一相於

六友齋遲廖樾阡卻寄

惜別庭蕪長悲秋木葉新西窗涼夜月曾照十年人夕
鳥棲相命寒魚聚自親遲若常卻掃一為拂流塵

贈于千英于嘗受學汪鈍翁

騷裏春遊宛洛花銀鞍行處帽檐斜才名潘陸知誰敵
族望盧劉是舊家意氣雲山臨北顧世情塵土躡東華
傳經往事還怊悵曾向深堂隔絳紗

中秋六友齋翫月同徐子文啓元彥陳叔毅吳震
一方鳧宗錢亮工廖樾千林文淵于千英舍弟
與可兒子豫朋限星稀二字二首

月出吾家冷似冰肯來相看宿寒廳明翻烏鵲枝邊見
影旁關山笛裏聽太白豈應陪皓魄咸池今已暗繁星
瓊樓玉宇歸無處顛倒西風濁酒絳

剝啄何人到落暉閒階月上為開扉坐無北里連錢騎
客有江東大布衣未比金吾三夜禁也應玉漏一時稀
銜歡獨倚秋河晚惆悵霜輪速似飛

梁相國蒼巖輓詩

兩朝著舊冠公卿星坼三台暗玉衡館閣風流傾後輩
海山位業悟前生感深津邸清尊淚腸斷山陽暮笛聲
回首雲霄歸去路已將箕尾署銘旌

劉處士鼇石餉蜜漬荔枝

塵斷華清晚浴時春風靈液幾人知褰裳自恐妨羅縠
出水誰曾見玉肌味美江鱸連霧雨香添盧橘洒淋漓

海南嶺北提携處憑仗詩情訴別離

齋宿秋官署中不寐作

舊事新愁歎此身一迴不寐一傷神打頭落葉生驚汝
覆手翻雲儘讓人明滅曙鐙殘焰在籠銅更鼓五聲頻
布衾縮項寒如水笑比鰓魚竟是真

讀漢書二首

酒半驪駒鼓吹聲阿誰結襪向王生兒童項領公然就
何況常遭跨下行
自表門徒為李膺故人相遇避絲弘可憐赫赫張京兆
曾似將軍過霸陵

齋宿古廟題壁

三間草屋半枯槐壞壁難禁風雪堆除卻秋官涼冷客
門前騶唱不曾來

河內竇生有江南之遊寄訊

南遊濟水北遊燕說着江湖意杳然與住太行峰上下
一生長似北流泉

和張尚書芙蓉島新題十韻

松堤

草鋪綠羃腰水繫青羅帶何似蒼松鱗十萬森羽旆
芙蓉岸

灼灼拒霜花風前顏色久蕭森蘇公堤應悔樹桃柳

青槐陌

紫陌紅塵路常時共往來迷花倚石處猶見舊宮槐

蓮谿

木蓮欲作花水蓮半著子將花比人面兩兩皆相似

杏圃

塞北山杏多江梅歲花隲江南野梅多文杏栽於圃

桂叢

昔我山中室其名亦桂叢幽香在何許到處逐秋蓬

山中室亦額以桂叢

楓亭

楓亭名轉佳丹林交葉露借問金閨人何年此中住

蘭皋

東皋被香蘭不異在空谷風吹無人時芳意抱幽獨

竹垞

紗帽烟梢冒山衣露篠霑萬竿須截去風月可平添

薇館

紫薇百日花溫室萬年樹君坐黃昏時試咏白公句

寄思母菴孔道士

噩夢宵來記未真任他翻覆訴康申愁多命薄吾還厭
莫訝壺尸去住因

白雲亭散後呈鄭山公侍郎

背續山如積歸時每夕曛茶瓜當暑並眠食向宵分影
散締衣月涼生竹簟雲客愁連短夢心緒仗夫君

冬夜懷李奉倩侍郎

待蚤星稀落歸遲月半傾老嗔兒問事貧遣僕歸耕簾
動霜涼入書收燭暈生公私兼未了相憶一含情

有以剪綵花見遺者戲題二首

誰知羅綺巧相裁也有遊蜂戲蝶來羯鼓無聲羌笛冷
笑看梅柳一時開
綺窗惆悵問江梅何事寒香鬱未開不是青春花信晚
風光愁向剪刀催

贈日者李生

紛紛車馬在簾前也為君平送百錢忝竊韓蘇同命主
不須更算小行年

答劉鼇石

多情詹尹拂龜占羅雀閑門樂事添施就朱顏惟白隨
輓回霜鬢有青粘落梅驚坐香侵硯晴雪流窓玉挂檐
更有舊書消永日醉眠詩句答劉兼

與可談蜀中花木之盛詠懷兼寄素心六箴荀少

公幹

棧閣蠶叢草樹侵雲山萬里足登臨海棠城郭香真好
桂子衙齋月自深五畝田園何處就十年栽種可成陰
牛車下澤安吾老花柳前村共討尋

壬申元日即事呈史館諸公

天迴圭景測銅渾碧落年華上曉暎左个蚤傳新歲令

夕垣還趁晚朝恩，爆餘竹火繡青簡。頌就樹花泛綠尊，
十載御錢虛拜賜，春筵餅餌愧盤飧。

向雲澤直史館有每更五日直已，是十年留之句。

以史事之難也為廣其意

東風逐驪驪蚤出鬪，雞坊簡竹青連舍。書籤綠映牀落
花，春水細垂柳夾城長。荏苒更番直猶勝，陸楮郎

蚤春因錢越江宮洗寄楊玉符編修

直草詞頭日未閑，懷人亦在簿書間。星霜萬里音難寄，
雨雪高城雁又還。往事夢魂鈴索地，春光楊柳玉門關。
邊沙爭遣蛾眉老，五葉靈根解駐顏。

青藤館畫睡懷錢亮工

午雞猶在枕不似蚤時忙，花影交殘夢茶烟引細香。春
多行藥徑人在著書房，汗竹紛難就青藤蔓許長。

清明前二日集黑龍潭濟南張秀才嶠來會

家傍城南杜曲天，春遊常在燕鶯前。霜教點鬢渾無賴，
風為吹花大放顛。四海賓朋千里到，百年烟景一生憐。
糟牀未快淋漓興，野水添杯更接連。

春夕懷李漁邨翰讀

半銜山日送春陰，歸鳥淒迷不擇林。帶月雁高城影盡，
吞花魚避樹痕深。流光差可供游戲，物理何須問陸沉。
五岳能消幾兩屐，圖經點就與登臨。

漁邨方志五岳

輓太原故人王德新

碧玉晉祠水白雲汾上秋故人今不見携酒昔同遊
漂泊鄉老沉冥仙者流天津橋畔望長憶董糟上

城南張氏園置酒招向雲澤廖越阡于千英同遊

命豫朋同作三首

宛洛花邊騎新豐市外塵池臺三畝並竹樹兩家鄰
從客迷花徑教兒近酒人暮鴉終古在撩亂女牆春
舊是笙歌地投壺喚客遊歌桃臨澗道垂柳拂譙樓
落日昭王館春風易水流年年芳草路祇為判花愁

張園絕勝處一半比鄰間苔引春樓堞籬分舊竹關
牆花歸鳥亂池柳夕陽閒不識廬山意多因在此山

春日西原憶常氏園懷玉泉昔將

卯酒倒春瓶野風吹不醒籬花殘雨澹澗柳古烟青
是往西隄路空眠北里亭金銀二泉氣相對晝沉冥

疊前韻邀張敦復尚書勵近公通政遊西隄

愁處花迎笑眠時鳥喚醒泉流銀浦白山入繚牆
青瑤草三霄路香茅四照亭欲邀湖畔去弄月泛空冥

石閭夜眺南谿

甲戌八月大祥後詩

鐘磬消沉古廟幽僧徒曾此結綢繆漂流溝水三年淚
重疊雲山兩鬢秋檢點詩篇聲斷續料量身世意遲留
柴門倚杖寒花外月上東村幾尺樓

山窗二首

山窗曙易蚤雞鳴方未已夜來寒松聲偏入幽人耳

月上松間屋水流山半泉夜雲行雨歸曉風為颯然

高渭師翰讀夫人輓詩

十德聲名舊南安內範良故家開幕府夫子侍明光
淵婉追陶母幽閑溯季姜瑤環榮翟第繡轂觸鳴璫
北闕方承寵西風忽斷腸三秋搖落候千古別離場
人去悲彤管鎧昏暗錦堂湘魂何處弔蜀魄正堪傷
燕市清霜白金門夕照黃楚游歸計晚潘鬢苦吟長
露冷銘旌重香消寶帛涼夜臺由此隔松柏鬱青蒼

八月十四夜石閭見月感成

萬里空寒碧嶂間松門留影不須關三年涕淚沾襟血
一夜悲歌點鬢斑明滅村燈沁河水依微野燒折城山
鞭絲玉漏銅街路長記鐘魚此處閑

十五夜宿陟岵樓見微月

高峰遠上氣溟濛峰上高樓四望通雲樹千重低幔外
河山兩戒曲欄中桂華竊歷看如霧霜髮飄蕭映向空
玉兔金蟾知得否幾人腸斷倚西風

十六夜樓中見月

太行欲落勢還留迴絕清輝萬象浮千里斷山迴北隴
今宵明月在高樓飄零舊憶將歸日惆悵翻成獨客愁
纔是平分秋又老奎波渺渺去悠悠

孫仲禮過午園貽詩見贈賦荅四首

為圃三畦屋幾椽客來誰與共忘年深枝鳥動山池月

寒草螢流野岼烟豈是橫林高卧處偶然清悶小堂偏
多君舊隱西峰下只在溪雲香靄邊

堂顏清悶來詩以雲林相况故有橫林二句

才名公子舊烏衣蚤歲青山已息機歷落漁樵閑故壘
風流臺閣付斜暉河東三篋書還在華表千年鶴自歸
文采清門堪託契秋來時為掃柴扉

仲禮世家子有文名

楚塞吳天去渺漫太行歸處暮雲端自言雞肋功名薄
不覺羊腸道路難縱酒淋漓溪水綠著書荏苒并梧寒
前村五里山邊霧豹隱何妨拂帽看

君有南遊詩

紫髯風貌舊儀形懶漫嵇生眼自青樊口野花爭似洛
朱坡清渭不流涇烟雲已被勾留住巖壑從教取次經
車載不須愁健步馬陵秋望氣冥冥

君美髯不良於步

荅孫仲禮次韻

韓宮魏寢久蒼茫虎嘯何人識子房綠水紅欄棲隱處
青山黃葉讀書堂幾回君去常懸榻連日詩來少報章
欲訪清溪便乘興嶺雲無數隔殘陽

山池泛舟四首

罨畫迴廊兩岼秋綠潭紅樹影悠悠江湖風水行難渡
爭似橋邊一葉舟

鞍馬平生塞上行水村花底打船聲回思遼海灤江日
一曲烟波萬里情

南垞淼淼北迢迢畫舫紅燈未寐寥不到江南人已老
流泉也似晚時潮

橋下清池池上樓下樓和月上孤舟短篷小纜繞如許
載得人間萬斛愁

雨中如九仙臺題野館壁

冒雨看山是一竒青泥白石馬行遲迢迢不負山靈約
黃葉村前渡水時

登九仙臺

臺在沁河中央與金焦絕相似

夢裏金焦寺波明兩岸空江河凡幾曲形跡偶然同水
府蟠根險山靈接勢雄長川流浩浩俯仰意何窮

九仙臺石樓曉起

曉看白雲近暮宿翠微深斜月數峰影高樓孤客心河
流無日夜山色幾登臨應有仙靈在凌空不可尋

石樓夜雨二首

四山昏黑一燈明寒雨連河客夢驚萬古洪濤終夜響
欲從此處悟前生
不辨溪聲是雨聲捲簾窗外雨三更山靈信宿知人意
故欲留人一日行

棲龍潭

斷峰臨巨壑開闢意何雄石口排雲黑潭心浴日紅人
傳是海眼天造作龍宮萬象蒼茫裏風雷起澗中

歸路復雨

豈為登臨歎落暉秋雲三日溼秋衣今年作意過重九
雨裏遊山雨裏歸

九日山齋獨居晚步池上作

暝色下檐際，栖禽喧樹間。采花誰泛酒，臨水一看山。不擬登高去，空嗟為客還。猶憐望鄉處，溪月上柴關。

池閣

池閣俯花陰，幽居每重尋。秋高寒水急，山近夕陽深。庭樹留霜果，檐巢長渚禽。寥寥誰共語，樵唱在前林。

龍樹掌張氏北樓望底柱山

不辭歷井與捫參，望盡三峰路轉侵。華嶽斜通西顛遠，青蘿已映北樓深。百年過眼浮生夢，萬事看山未了心。蚤是雞鳴懷往路，要令巖壑快幽尋。

舊蹟西峰華嶽觀東峰青蘿宮

府 遊底柱山入天井谷衛北山遠來餉食兼簡袁明

靈壑青峰入望頻，鞭絲烏帽映嶙峋。尋山我愧謝康樂，好客人稱鄭子真。空谷乍逢如逆旅，斜陽立語見交親。因君憑寄神明宰，玉洞丹砂不厭貧。

王屋山後十方院二首

紺碧千峰萬仞遙，靈風飄渺近三霄。玉玲瓏處紅塵斷，也恐仙人太寂寥。

三山碧海夢魂勞，欲往從之心鬱陶。天上豈真足官府，故來人世寄牢騷。

桑林午食二首

底柱山前亂石村，十家今有一家存。千巖萬壑人蹤在，

正是 皇朝賜復恩

石田漠漠草菲菲破屋炊烟四散飛行到前村還悵望
五年不見一人歸

王屋北峰二首

北峰畫難如娟妙方未已不肯在人間迢迢度遠水
峰色奇如此天公有意無舉頭向明月為我問清都

鐵盆嶂三首

空青削山峰金沙裹山麓山頭明月行山腰白雲宿
探奇乃大驚嘆絕但狂叫山僧渾慣見對予發微笑
風洞聞風歸雲窩見雲去乃知風與雲生自無人處

析城道中望樵山

松雲縹緲倚高空無數烟巒遠望通底柱三山皆拱北
太行千里盡迴東登臨早識隨刊意開闢深知造化功
家向翠微多處在芙蓉九點落當中

樵山一名芙蓉九蕊山

午亭文編卷十五

男壯履恭較

午亭文編卷十六

門人候官林信輯錄

今體詩

服除七日拜戶部之命十二月二日次三家店

題家書後

一紙書成寄未將五更寒泪溼衣裳麒麟塚在松杉冷

零落雲邊斷雁行考章公幹相次淪亡

趙店見豫朋題壁詩用韻

雲樹東來客夢西草堂深掩綠蘿迷三年才盡銷魂路

兼汝詩多到處題

真步蚤發留別梁比部

行盡關山落照邊鎮州平野遠連天星霜千里路纔半

燈火五更人不眠送臘流漸帶殘月迎春官柳入新烟
况逢東閣郎君舊客館風光此寂便

固鎮遇荀少却別

野店斜暉慘客顏我行君宿送君還別離亦復尋常事
無那相逢逆旅間

定興重送荀少

歲晏關河烟景新東風前路待歸人灞陵官柳遙相送
直到家山接蚤春

宿琉璃河

白草黃沙淡落暉朔風吹老塞鴻稀琉璃河水年年綠
猶是鴛鴦幾對飛

見月

半月辭家見月圓更過半月又新年來時池上松間影
曾照高樓夜未眠

初到京師寄素心六箴與可荀少

擬當臨歧十日裝曾經一日幾迴腸登山屐好藏僧舍
漉酒中閑疊客箱分遣池魚防涸水差排籠鶴借支糧
別來數事皆無恙惟有春鴻惜斷行

蚤春西便門即目

別久西郊路三年復此行城長歸鳥蚤山遠落霞平燕
麥春泥垢桃花凍蕊生高梁橋外水猶似去時清

正月十四夜宿城北僧舍

枕畔天涯閉戶中車輪輾馬嘶空牆花影動雙林月
山磬烟消上院風為客行藏如候鳥在家踪跡亦飄蓬
放燈時節吹燈坐贏得僧窗夜火紅

題量如上人山房

紅石橋西路青春向夕曛蚤花幽處發清磬定時聞野
曠門侵月山遙樹宿雲安心隨地好况此息塵氛

元夜懷牛園

燒殘香篆夜何其簾月淒清濁酒卮燈火舊游初別後
笙歌旅宿獨眠時鎖門池館應通客繞屋鶯花可付誰
憑寄北山猿與鶴相思更不用文移

元夕憶山園鶴

竹簷燈影曲池明正是遊人到處行試向春山聽夜暖
數聲應有別離情

十六夜晚晴臺望香山碧雲諸山寺燈火

山寺數十里春燈三五攢高臺一以見逸興生雲端別
去寄遐想來遊增昔歡千峰與萬嶺日日幾回看

春夜懷牛亭新居

衡茅纔縛便行裝客館重開舊草堂白首逢春花共語
青山有夢睡為鄉萬人似海聲還靜午夜如年漏更長
月落離魂猶未遠依微步屨水東廊

酌酒與六箴却送歸

客館風光過眼新出門衣馬便生塵無膠還自開詩卷

省事誰能謝酒人一日須謀千日醉六分已減二分春
君歸芳草池南路勤看園花莫厭頻

送荀少返舍

宿火殘紅曉燄新寒廳相向語蕭晨千門風雨雞鳴早
二月雲山客去頻柳色漸深南浦道桃花應及故園春
我來長憶逢君處逆旅斜陽淚滿巾

城南張氏園

春明烟景麴塵遮常記名園野水涯歲月漸垂朱戶柳
光陰間映粉牆花流鶯舊至曾相識旅燕新來是別家
惟有酒帘墟畔月東風依約玉鉤斜

懷荀少

折柳來時路歸鴻別後聲孤燈眠客舍暮雨閉春城野
店宿何處居人同此情更堪故山道明日是清明

舊居遣興

半日清閑半日喧三重茆屋似烟村去隨秋燕辭空壘
來見春花放舊痕白墮杯乾書在枕紅塵客斷雪填門
東風自解關山路寄語莓蕪到故園

見同年潘岍谷比部訊屠給諫芝巖

細柳新蒲綠映空曲江花有幾枝紅 皇家一榜四百
士白首相知六七公孫公承恩愴今在京師者七人而已海上故人如夢裏薊門
落月滿樓中逢君舊憶銅龍事左掖清陰入院桐

對酒栽花

對酒栽花白髮翁
衰顏得酒映花紅
一時年少殘心事
來向花邊酒醖中

遣興書蔚州先生詩後

敢將白髮惱殘春
酒暈朱顏也似真
笑向公卿為長物
倦逢花鳥是閑身
米鹽私簿從奴僕
錢穀官書信吏人
挑盡青燈翻舊卷
蔚州詩句不言貧

遊城南三絕句

籬花

野水連村盡遠空
柳枝蘸碧漾溪風
落花鋪徑青春去
小住籬邊一樹紅

小北

一笑花邊白首迴
妖紅慢綠定相猜
黃塵萬井春街晚
爛醉城南土骨堆

見燕

秋風吹別舊烏衣
我去重來待汝歸
不分人家雙燕子
等閑來傍野亭飛

禹鴻臚江墅梓花圖二首

枝上烟嵐襯落霞
山村回首惜年華
筇亭一樹春光晚
爭似生綃十丈花
婀娜凌霄勢未雄
芙蓉雖好不相同
畫師用意曾難識
多在霜根雪幹中

夜行書懷

在家心不樂適遠身如遺月黑鳥相喚燈明人不知野
烟縈柳宿溪霧捲花遲獨往念愈寡欣欣亦自私

四月二日 召赴暢春園 賜食瑞景軒泛舟於

苑中恭紀二首

鳳掖風微漏點沉雀羅門掩一春心三年重續金閨夢
半夜驚傳 玉殿音覆鍊易憂筋力緩當筵惟感歲時
深名花繞坐搔霜鬢何限天香上盞簪

銀漢蓬池水接連太清宮殿渺雲烟不因侍 帝來天
上幾見隨梯到日邊寶笈圖書編舜曆金甌歌頌紀堯
年祇應盡却浮塵念檢點仙官未了緣

是日帝布牡丹閣下臣坐後一本盛開恭紀一首
羣玉瑤臺歲月賒豈應春老惜年華過淮人未知盧橘

廷敬南來至河淮入洛天容看魏花眼霧微消窺綠暗綠牡丹最盛時獨趨至花下鬢

絲輕颺拂紅斜上陽亭北承恩宴身似登真不憶家

午夢

自掩柴關嬾是真天憐散木寄閑身故教一枕花邊夢
點醒槐安睡裏人

崇效寺看棗花書雪鵑詩後

古城遺壘路橫斜蒼苔林中有故家會見海榴紅似火
要看仙棗大如瓜蕊生野桂偏含實香斂幽蘭未放花
一詠湯休奇絕句憑將狂語寫槎牙

前日城南獨遊遇袁杜少翰林今日復遇之棗林

寺門外戲簡以詩二首

前日烟條拂岸巾今朝芳草坐成茵獨遊相值不相訪始信君家是可人

一笑車輪碾麴塵相逢不語莫相嗔五陵衣馬三春後能解閑行有兩人

杜少見和前詩疊韻奉荅

鑪畔青帘似舊斜玉街走馬記誰家思君別恨綿烟草得句風人報木瓜相贈祇應多勸酒頻行不是耐看花吾生萬事皆聊爾寵辱何須置齒牙

疊前韻和雪鵑

春明歸路日西斜潦到重來似出家上院早過依夏刹故山臨別憶秋瓜往還北陸三迴雁榮落東園幾處花再到雙林瞻頂相半天風雨散簷牙

崇效寺瓜字韻詩已三疊韻酬雪鵑杜少杜少復

以詩求再疊前韻奉和

無賴城南韋曲斜妖桃冶杏自家家閑從月下標宜李留取亭前署饅瓜欲解金龜來換酒正思靈鵲去銜花紫微郎省文章地衰散何堪豎頰牙

來詩有中原獨坐最高牙之句故有此荅

晚晴臺看山有江南之思

春來風景憶江南無限烟波已自諳眼底秦淮頻入夢晚山如水綠如藍

邯鄲道上絕句追錄貽羨門少宰

炊熟黃梁已是遲海山歸路幾人知却憐朝市紛紛客
怕說盧生出夢時

次韻孫仲禮重午西堂會飲見贈二首

紅塵門巷也蕭然心遠方知地自偏時序總拋青鬢外
天涯相聚綠樽前滄桑過眼曾前度書劍隨身可判年
一卷離騷數杯酒多君苦憶汨羅賢

當時官號領司農耆舊高門棨戟重兄弟盛名齊賈鳳
郎君崛起繼荀龍雲山蕭瑟思前度風雨漂搖愧遠從

忝竊清塵還贈處詩情冷淡酒懷濃

仲禮先人玉陽湖廣巡撫世
父拱陽戶部倉場尚書

端午氣寒有節物之感

節物甚驚旅鬢侵今年塵土映華簪絲絲漫與纏衰臂
昌歜偏能泥苦心階下草芽青圻甲墻頭杏子綠葭陰
生衣未著添涼冷疊雪含風在筍深

戲次仲禮與豫朋端午酬和韻

浮世功名轉寂寥魯連蹈海為亡聊趨塵似葆頭慚面
忍事如囊腹愧腰詩壘重摩三舍退愁城新破獨身跳
翛然自入羲皇夢不與靈均賦大招

秋夜待曉

熏籠烟暖碧霏微紅蠟燒殘玉漏稀連日五更風露重
八蠶輕絮蚤時衣

張西園先生有知己之言歿而余念之不忘見其
令孫澤長於京師別後却寄

遺老流風迴絕塵西園文酒十年頻公為東野忘年友
僕比文通是恨人喜見孫枝頭角長愁看馬鬣歲時新
隻雞惟記迴車約宿草春風又溼巾

久雨

茆屋漂搖裏風雷勢轉嚴林鶯過棟樹巢燕語窺檐愁
卷蕉心長憐生草意纖蕭森老藤簞收取待曦炎

春日釀酒夏乃大熟小飲輒醉名曰清明酒志時
也

春酒濃香隔舍聞風檐開醖已微曛日斜方丈中庭地
卧看青天萬變雲

故篋中見亡友米紫來製墨

松州寒翠結絲塵舊法新傳日勿水真老注蟲魚成底事
非人磨墨磨人

種柳

種柳樓前拂檻時春愁秋雨兩三枝天涯一種消魂樹
不必人間有別離

夜

雨苔幽徑暗娟娟檐外流螢照溼烟行過後庭新月上
半窓花影送人眠

霞

不盡殘陽意留情與斷紅嶺橫一窈窕山疊遠玲瓏拂
樹依微靄當樓倩晚風更看芳夜月相映海雲東

七月三日野宿二首

晚景橫門外關山此路分蟬聲咽踈雨馬首帶殘雲籬
圻秋花重溪香暮草熏城鐘夜方寂野宿幾回聞
初月挂西城新秋夜色清白楊風似雨素髮暗還明山
鬼欺殘夢樵人責舊盟覺時忘枕席貪聽石泉聲

中秋同諸子集城南張氏園三首

羈栖憐積雨池館得新晴暗水入何處歸雲行有聲幽
花依晚徑高柳向秋城同有濠梁興因知谷口情
渚蒲秋更短寒色滿魚梁過雨苔妨屐迴風竹礙廊禽
言多晚霽蝶粉退新涼時序何遷謝吾生正渺茫

題頴丹青在孤亭映夕曛也連滄海月樹宿女牆雲罷
酒因風急裁詩許夜分歸時泰壇路已有玉笙聞

張氏園與越阡孝廉感舊

古城幽徑寫閑愁屐屐依然是勝流雨過斷雲連水榭
日斜踈樹隱山樓五湖別後三年月四序饒他一半秋
眼底光陰壚畔酒幾人時節與同遊

蚤起送王生君擢還太原

霜風伺我出布被且相溫窗月白復暗壁燈明暫昏流
塵空客館落木滿關門歸去情猶爾天涯安可論

夢樊溪

烟雲枕席未分携五點更號三度雞不是當關呼不起
迷花倚石在樊溪

登樓望西山懷阮亭

雲樹西來又已秋太行盡處是南州連山萬疊空回首
落木千門一倚樓笛裏柳梅渾欲動鏡中霜雪浩難收
玉珂接近朝天客日日金門半日留

至日陪祀同王阮亭靈祐宮蚤起懷彭萊門

顛倒衣裳夜杳冥暗窓微火似秋螢迢迢曉漏聲猶在
斷續寒衾夢未醒烏宿多時翻落月馬行幾點傷殘星
相逢鸞鶴朝真去回首紅塵眼共青

乙亥除夕同樾阡孝廉虞箴郎君程三蒼姪孔大

雲岫竇大在茲舍弟與可兒子豫朋壯履猶子

觀願復剛守歲

雪晴風緊歲云徂樞馬林鴉興不孤人靜千門空爆火
天迴午夜一屠蘇貧休送鬼驚吾老悶可藏闔與客娛
已賣癡獸看利市盡拈錢付酒家盧

除夜次樾阡韻二首

莫歎天涯行路難年年書劔報平安文章鎖院三錢筆
京雒春風十里鞍白鬚相逢人似舊青松不忘歲常寒
坐中竹柏盈盈酒黃色天庭取次看
烟煤兩版不曾除老屋東頭是敝廬蝸舍冰霜今夜少
兔園燈火十年餘才名閱世誰如子肝膽逢人為起予
更有膝前文度美即看軒蓋擁門閭

丙子元日立春次廖虞箴上舍韻

晴光淑氣兩無涯元朔王春感歲華上日相隨青帝駕

新年一到玉皇家所居近天真省事知憐老客有登歌敢

拜嘉共道五辛風味好堆盤紅縷間椒花東坡元日立春詩省

春夜寒甚與越阡飲酒戲作二首

甚矣吾衰及此時鶯花相避意差池書空咄咄非殷浩

自喜沾沾過魏其紅蠟似消春後凍青陽不染鬢邊絲

無多酌我聊相勸泛溢東風在一卮

碧落風多颭酒旗金波新漾影娥池杓將寅指知春蚤

參欲昏中間夜其屢事朝來似犀首亡何日飲學爰絲

與君細村人間世判斷閑愁付濁卮

疊虞箴元日立春韻

公林剪綵亦生涯春日新年送物華北極朝元還卧

東村迎氣記山家辛盤青韭來河朔小宴黃柑擘永嘉

應見泰階多勝事和風先報曲江花

次韻姜西溟孝廉見贈生日詩二首

名高萬丈焰生光自忖纔如襪線長四海君才多武庫

六星天意一文昌幾逢李蔡虛東閣每訝彭宣到後堂

為報鎖廳春日近梅花三候發巖廊

名在金鑾學士坡三條紅燭照春多君以史職晉音亦自知

師曠楚璞今當識卞和老去東華同載筆時來南陌羨

鳴珂相思勿憚寒廳宿愁月淒風奈樂何

人日絕炊戲簡越阡

絕炊人日有風情碎穀年來道欲成
杯涼乾傳傳坐酒
突烟冷稱膠牙錫鬪蛇幾度為家口
雞犬連朝過夏正
笑煞青春慳一飽
朱門空鎖五侯鯖

越阡不和人日詩送酒一壺以促之

春來饑火共相燒
何事清齋坐寂寥
九食三旬應漫浪
元正人日並蕭條
尊羹誰可加鹽豉
菜把空煩送柏枒
淡淡茶湯薄薄酒
讓他梁肉過今朝

蚤春簡羨門少宰

彈鋏相從少壯遊
班荆斜日玉山秋
春風幾度過燕市
明月依然在薊樓
八代文章官吏部
漢朝經術爵通侯

題翁廉節為敦復尚書畫龍眠山林圖二首

寥落樊川杜牧之
秦城烟樹遠參差
如何得似舒州老
管領雲山弔伯時

畫手詩人遠擅場
龍眠巖壑輞川莊
依然居士風流在
猶見丹青顧長康

為雪鴨禪人題董文敏書二首

規撫北海姿還在
跌宕吳興致亦豪
屋漏斷痕斂折股
何人解是郭兵曹

草亭神采映當時
玉匣金匱贖豈知
多少書中殷鐵石
到門試問永禪師

過海棠院花未開作二首

縹緲紅粧態未完
曉鬟初整綠雲寒
墨花尹白風流甚
只恐輸他黑牡丹
白髮逢春惱別離
東皇作意遣花遲
即無著雨胭脂色
不到殘紅淡粉時

喜晤張肅昭侍御

南臺回首共簪纓
忝竊銅街避路行
對仗蚤知明主意
回天因識直臣名
歸來肝膽輸流輩
別後鬚眉見老成
今夜府中人似昔
曉烏啼徹舊離情

盤山拙菴禪人索詩二首

青溝依約白毫光
眇眇禪栖在上方
師向中盤中處住
東西南北不思量
舊遊題句記吾曾
欲學初禪愧老能
一卷紅樓青嶂客
不嫌人喚作吟僧

懷盤山荅拙菴

布穀響春城
春山寄遠情
紅泉連雨曉
白鳥破烟明
塔影飄西塞
峰雲下北平
松門曾杖策
從此想無生

禹鴻臚為宮定菴
通政畫其生平所歷為圖題得

四首

觀海市

十二樓邊列五城
羣仙出沒向空明
蓬萊清淺麻姑老
孤島斜陽萬里情

登岱

日觀題詩海色迴人言太白是仙才朱顏長與青童笑
玉女流霞蚤啖來

雪中獵洪山

使君千騎獵圍長雪夜風流在武昌為報襄陽耆舊語
呼鷹臺上笑劉郎

春宴黃鶴樓

黃鶴磯前綠草生遙連漢水鴨頭平蒲桃醞醅春酒熟
應似春江春水清

衡素虞箴試國子皆第一

玉膾金齏憶故鄉機雲入洛有輝光併將海日江春句
寫入燕公政事堂

午亭文編卷十六

男壯屨恭較

午亭文編卷十七

門人候官林信輯錄

今體詩

舊有樊川圖不知者每以杜曲相儼近以午亭山村自別石谷為予畫之

虞山粉本富陽翁老去仙人隔閭風前世畫師今在眼依稀黃石是黃公

荅王石谷且屬其作午亭烟舫小景

蓬萊下直寫平泉江練橫窓思渺然近有午亭烟舫景煩君寫入舊樊川

午亭山莊圖詩五首 有序

酈道元水經注沁水逕午壁亭而南友人朱竹垞謂予

何不取以名其園比同在内直輒好語山水園林之勝
於是玉峰尚書為作午亭記當此時予未嘗有園也已
而家居闢山村股濂泉之水鑿池其中橫橋小舟咫尺
具烟波之勢以實竹垞之命名果有午園矣蓋予所居
樊川終累牧之城南下杜之稱思有以別之且吾居近
午壁亭沁水之涯也爰即樊川故居又名曰午亭山村
為予畫焉使玉峰而在當為更作一記他日請竹垞為
予記之夫五畝一區而為名之多如此甚矣夫吾之溺
於其名也

午壁亭名載水經秦時流水漢時亭何人更與桑欽注
一畝園中水木青

午亭人在翠微間林際清暉自往還砥柱析城至王屋
天教看盡好雲山

吳淞烟雨石湖春不到江南老竟真山水連天溪艇窄
也能作意向詩人

西湖杭潁別圖經吳楚湖山兩洞庭獨訝樊川同小杜

朱坡不比漢家亭

朱坡見杜岐公傳

丹青老手荆關筆重寫天隨舊釣船晚喚午亭還識否
世人曾擬杜樊川

司農署中題壁

署尾文書鎮一堆五花臨判日遲迴田園正憶叢殘句

黃紙蠲租白紙催末句見范石湖田園雜詩

題梅桐巖真二首

畫裏江城疊嶂高北樓逸興重蕭騷梅花山下雙羊路
秋老梧桐有鳳毛

太白仙人謝眺才都官風雅一時迴吟成倚樹栖烏過
驄馬連朝對仗來

松風

蒲葉榴花五月天歸來一枕北窗眠誰知無價松風夢
不向人間費一錢

題張吉如南汀詩後並呈敦復宗伯白臣翰林

浮山高望歷山城風馬雲車帝遣迎湖水清波舊時月
春來七十二峰明中贈太常卿二夫人投明湖以狗皆贈一品夫人

珮環聲裏水潺湲芳草羅裙隱杜鵑一首新詩萬行淚

不須苦廢蓼莪篇吉如生母與嫂方夫人合墓

太傅風高未老時尚書隴畔有清暉香名已播雞林遠
不羨他家野鶩飛

王風南雅氣雄哉騷賦張華小謝才惟底西堂新句好
也應曾夢惠連來

七夕宿城北人家亭子戲詠織女

銀浦臨波濺繡裳明霞猶似嫁時妝畫眉月姊教新嫵
掠鬢風姨送晚香天上雙星兒女態人間一日別離腸
鳳梭閑却機絲冷烏鵲頭童歲歲忙

贈銅川都憲

飲香搗滌擅西京南國言傳茹藥聲霜簡新迴烏府重
玉壺猶映漢江清節旄裴相歸朝蚤治行吳公進秩榮
臺柏高秋森獨坐還於淡菊見交情

丁丑六月十一日奉 命題路路清廉畫扇

殿閣微涼日民巖顧念時畫圖皆善誘簪紱有良規飲
露心允潔含香氣未移年年鳳池畔 聖澤本無私

自五月廿二日直 苑中敦復尚書有詩次其韻

得十首

長日東華拂軟塵眼明流水照游鱗蒼顏白髮吾曹老

冠者輸他五六人 同直六人
齊房丹青樓後亭 絲霄樓階在滄溟 六龍南幸歸來

日畫取江山上御屏

半夜傳呼向玉津賞花往事隔前春紅雲終日籠丹地
回首凌霄記不真

舊日春遊共往回東風依約野棠開黃塵影事看清海
曾到龍王廟裏來

四捲朱簾照碧淙松風五月在羲窗眼前萬物各相命
鳩鵲駕鷺鷥時一雙

梧桐疎雨早秋時一夜新涼幾鬢絲野草花邊溪柳路
等閑常過水仙祠

聽徹西洋五刻鐘晚霞明鏡寫天容池西不種新楊柳

留取青山三兩峯

秋花錦石路迢迢銀漢無聲瀉玉霄日暮水晶簾下坐
不知何處御香飄

草藁孫郎墨氣清橫斜點筆石欄晴天人秀出華亭老
萬歲傳來燕喜聲

此首專贈樹峯以天語褒獎書法可繼華亭

翰苑文章媿大家枋榆影裏日西斜歸時牢記支機石
曾附天邊博望槎

題鄒喆畫鄒金陵人

畫裏江城夕照間烏衣人去野花開六朝松石今無恙
便欲移家向蔣山

苑中次敷復韻

寶牀食罷鳳團清絕勝仙人白石鐘除卻進書簾下語
神霄肅穆不聞聲

苑中次韻孫樹峰司成十首

鐵騎長征瀚海陰歸來水殿倚微吟吾君文武超千
古方略流傳自禁林

青田舞鶴字芳林聲在雲霄不可尋日日朝天平步到
自憐凡鳥是仙禽

北窗午夢日初長一枕松風自在涼寄語陶公莫歸去
心閑此地是羲皇

行近通明玉案邊回看下界渺雲烟恠來諸想隨緣盡
身在清都兜率天

情多想少渺難裁身到烟霄盡處迴為問三山高幾許
瀛洲行過是蓬萊

十丈開花玉井蓮退之新句鬪芳妍他時編入歸田錄
分與樵歌牧笛傳

連朝風雨液池平天意分明為洗兵細札十行心萬
疊誰言容易見時清

夜珠明月巧難移况是江花上筆遲奏進九霄天一笑
柳陰小立不多時

狼居胥是禁園山池沼黃河水一灣萬里九邊勞聖
主苑花開日不曾還

神龍矯矯在天門紫霧彤池斗宿翻葺屋近來多氣象
篋中常有街書存

七月二十日傳 旨網魚賜侍直諸臣是日竟不
得魚恭紀

一霎蘭橈小院門傳呼中使 玉音溫金鱗網得須宣
賜未賜 恩深已賜恩

書樹峰司成扇

紫髯端欲貌凌烟八翼雄風已到天自笑一生寒骨相
曉窗難起夜難眠

蚤秋苑中入直

曉行原上村不覺秋已至遙遙入清暉忽見山際寺
上元夜懷廖芸夫

曾解金龜換紫貂中山千日醉醇醪春城漏轉催銀箭
上苑花遲待彩毫歌斷落梅江樹遠坐深明月菊樓高
西窗舊事殘燈火此夕懷人客思勞

題畫扇應制四首

當時破敵著戎衣隴樹連雲塞草肥記得兩年沙磧裏
池花開日未曾歸

清池洗墨玉階隈繞硯香烟翠欲堆散作夏雲常五色
九天膏雨一時迴

香案前頭積翠鋪稻畦麥壠似枌榆兩岐九穗尋常見
應補幽風七月圖

圖書插架殿東頭天碧新晴萬象幽茗盃雍容勤夜講
山前落月上簾鉤

題李公凱學士松陰讀書圖二首

牙籤三萬軸長懸祕閣書曾借幾編正是松根勤暗誦
連朝花底索鈴傳

藜火頻年汗竹青槐陰人在第三廳憑君一問華陽老
多少松風夢未醒

午睡起荅蓮士問疾

一枕邯鄲夢半成依然茆店午雞聲簿書已逐紅塵老
藥裹能禁白髮生幾番野花開更落頻來山鳥語多情
天涯門外忽忽意未了禪須動裏行

荅拙菴禪人

漠漠何曾慧眼開神州東望意遲迴桃花未老松枝長
留取盤桓落草來

初春簡雪鴈

十丈黃塵落日懸三條陌盡寺門前已無朝士飛騰意
曾結高僧寐莫緣白首詩情歸半偈紅樓人面入新年
欲尋舊約雙林去多在鶯花二月天

送宋堅齋給諫葑州太史扈從南巡二首

青瑣金門侍從同翠華春發建章宮焚餘蔬草鑿坡上
賦就梅花輦路中行監幾回隨渭北亡書三篋記河東
鳳池並接絲綸美親捧流觴聖藻雄

雲霄扈轔出流沙書錦歸來侍帝車紫袋雙垂龍尾
近黃金並絡馬頭斜九河天上春船水二月江邊御
道花太史周南不留滯嗟余衰鬢客京華

杏聲山太史花谿垂釣寫真王石谷補圖二首

日影果愚晝漏頻銀臺三昧惜餘春漁竿不比絲綸筆
漫擬江村水垞人

詞館於今屬盛名風流破墨付王生近來新得南唐紙
送與能書石曼卿

張慕亭林坐小照四首昔同事御史臺

橫榻風生對仗頻絳騶千步逐行塵年來借問藏書處
清簡留名得幾人
數行書奏九霄邊漏斷烏啼夜未眠敢道霜威誇獨坐

張公論事已回天
居士心情問老龐
饒他陸海與潘江
閑來試檢丹青看
風貌阮何同一雙
自了平生半偈緣
逢人脫帽有華顛
不應鳳閣鸞臺客
也學天龍一指禪

春夜觀劇蓮士有詩戲和其意

從他假面奏伊涼
休羨登筵舞袖長
六代歌風吳季子
元家詞曲蔡中郎
古今過眼看遙夜
神鬼臨頭坐廣場
多少榮枯誰料得
與君且醉手中觴

重過呂公祠四首

枕上三生事已深
夢中猶未忍抽簪
仙源只在人間世
不向桃花洞裏尋

黃鶴千年更復還
朝來紫氣滿燕關
眼中人去無消息
誰識三山在世間

金合刀圭照夜開
丹砂元不救凡胎
劉郎一病秋風冷
曾噉蟠桃四顆來

回首清都客夢違
玉霄鸞鶴幾時歸
如雲六翮今飄墜
不借天風不敢飛

曉起簡雪鵬

城鷓起辭樹久客無晨眠
池閣漾寒月竹房籠曉烟
雲山催短景簪紒入殘年
懶慢吾今甚無心去問禪

酬贈于子龍秀才

多君長劍倚崆峒
况事仙人白兔公
王屋天壇青嶂裏
河陽古寨碧流中
詠從洛下書生好
詩是山西老将雄
欲共飛車三萬里
赤松同訪趁西風

送張毅文翰林歸淮上因懷孫籥菴學士

黃葉西風落御溝
楚天烟水一扁舟
雲隨鴻雁蕭蕭去
月映清淮渺渺流
桐柏山人獨往芙蓉江
上夢三秋
更誰得似蘇門子
長嘯為君遣四愁

城西晚行望西山二絕句

燕市何人共酒杯
出門祇為看山來
黃塵未斷殘陽暗
空走城西漫浪迴

西山隱隱夜悠悠
烟鎖西峰萬疊愁
無限客心遮不得
空隨明月上譙樓

石西崑叅戎請老賦寄並懷其兄子約廣文

西涼州簿舊書生
猿臂飛騰在北平
射雁風高臨玉塞
盤鷗雲起望神京
將軍名已高三箭
都尉階還列九卿
老我燈窗人共遠
青瓊依約別時情

雪中下直同阮亭儼齋賦贈

星霜待曉上金坡
暮雪盈階退直過
色映瑣窗明玉几
光鋪仙沼落銀河
六花風散放香蚤
九陌春迴却月多
漫道調高還寡和
萬人爭唱郢中歌

南至微雪齋居懷同直敦復近公

陽琯初回綵線微
層陰連夜滿皇畿
梅含綺閣花先放

柳暗龍池絮已飛省署漏隨銀燭換烟霄人向玉階歸
相思為報瑤臺客明日占雲在禁闈

朔日冬至南郊呈田綸霞李木菴兩司農

雪後晴暉滿帝京齋宮午夜近通明陽迴鳳翔周元
日律應龍杓舜玉衡五服菁茅連海外九華燈火與雲
平欲因寶鼎推神筴荔子香芝歲歲生

齋所贈木菴

畫簾終日紫烟縈齋閣香爐對晚晴雲散玉繩低古署
雪融珠斗出高城八能律琯飛灰映萬卷書籤插架明
見說綸扉多勝事一門三葉嗣元成

木菴家及里中故有三相

至日寄懷日者朱生丹岩有江南之遊

至日陽生亦快哉青春殘臘巧相催山梅欲放紅闌曉
岸柳將舒綠浪迴客有唐生長信命人非賈傳莫論才
五湖三畝揚雄宅曾問成都大隱來

送劉宗一檢討出守揚州

詞賦相如重漢京侍臣擁傳出承明雲霄晝散鳴珂直
淮海風迴露冕行春草西堂天上句梅花東閣隴頭情

宗一秦中名家兄弟並在翰林

六龍近日時巡處二月柔桑乳雉鳴

晚登慈仁寺閣懷阮亭司寇

鳳城傑閣絳霄邊龍象高居俯逝川雪湧晴沙三市月
春生芳草五陵烟雙林退院鐘魚寂終古燕山嶂塞懸
詞賦仲宣人並在暮愁銷盡近諸天

得竹垞書卻寄

青鏡流光旅鬢疎
君問訊近何如
門前燕市黃壚酒
袖裏江雲白雁書
豈有勲名懸竹帛
已知人物在樵漁
灞陵柳色年年綠
送盡離人伴索居

生日示壯履

霜落天高色蔚藍
縱憐風月與誰談
人非毛玠清難似
自比嵇生嬾不堪
徃徃長筵餘碩果
年年春酒醉黃柑
金根粗識扶犁去
不用牙籤萬軸函

題王瑁湖宮詹下直傳經圖二首

鳳毛池上有輝光
他日歸來笏滿牀
堪笑杜陵文選學
但教莫帶紫羅囊
芸香講席幾重深
五桂居然玉樹林
聞道一經親授與
未須同異較劉歆

寄荅曹冲谷昔予出關過其家今二十餘年矣

行盡燕山塞上村
海天烟霧氣常昏
邊花客醉遠西郡
關月人過薊北門
一別隴梅遲驛使
幾回春草憶王孫
君家舊比灤江水
萬事風塵未敢論

露漑閣懷亭湖蓮士

高閣懷遠岫山窓盡日開
雖無佳客至時有白雲來
簾捲海月上鏡拂江鴻回
何當共吟眺暝色獨徘徊

蚤春虎坊南墅憶舊遊懷徐尚書寄朱檢討

杜曲園林一水濱
舊遊風景十年頻
江山不負羊裘客

城郭誰知鶴背人
草色淡烟籠紫陌
柳條輕雨洗紅塵
劉郎前度看花在
却為愁多賦早春

憶盧龍舊遊有懷倫子受使君

猿肩虎石事悠悠
為客青春欲白頭
碣石東風生大海
薊門明月照高樓
邊關路繞車輪去
花柳村深步屐游
今日使君行部處
雲山三晉控神州

春日點翰堂即事
但吳元朗為題午亭山村圖

北壑何曾似遠林
曲欄深榭幾沉吟
野桃破曉紅仍淺
霜竹經寒綠故深
二月風光真漫浪
三春樓閣倦登臨
午亭題句如相贈
好在谿山畫裏尋

清明後三日郊行贈韓慕廬少宰

春郊浩渺似天涯
走馬追尋一笑譁
冷節却纔過射柳
紅塵不是為看花
荊州風月同今夕
江左文章屬大家
紙尾陪書聊自忖
鬢絲蕭颯墨痕斜

有感題舊草後

寥落浮生與世違
叢殘文字校斜暉
家臨紫陌三條路
人閉紅塵兩版扉
命定豈須尋季主
說難猶自笑韓非
篋中焚草緣何事
忍負雲山舊釣磯

城南張氏園讌集

藤杖芒鞋踏淺沙
行穿犂确路橫斜
綠楊纔放初晴色
紅杏猶禁半圻花
坐久雲深迷野鶴
酒闌風起亂昏鴉
山公酩酊歸來晚
不省兒童拍手譁

牛馬文苑卷十七
昔與孫仲禮有鶴圃唱酬詩因隨正姪寄訊
菴畫溪廊賦竹枝圃中仙鶴別多時龍兒編寫新成卷
題作劉紅唱和詩

春日新堂簡西鄰給孤寺主

西鄰喬木綠陰斜也有春生倦客家半掩雙扉來燕子
新開小徑放桃花香林佛舍明殘照粉堞山樓挂晚霞
近日逃禪逢酒渴扣門思喫趙州茶

春日簡張壽平進士張善岐黃之學

未解參苓細與論杏林人語自春溫已知楚越分肝膽
尚有鶯花役夢魂二頃豈須謀負郭百錢聊可共開樽
城南舊是笙歌地藥裏閑時肯閉門

上元前夕宿法華寺春日有間酬三明長老索詩
之意

青山落日正逶迤况是春燈欲試時佛火長明投寺宿
冰山豔撞看兒嬉檐捎烟樹東風蚤院閉霜鐘曙色遲
一諾湯休微笑意桃花柳絮又參差

城南讌歸贈壽平

羈旅平生意相逢薊北門不知黃金館但見青山原歸
路野花落到家棲鳥喧所思燕趙士懷古尚堪論

訪戴家圃留題

我愛戴顓宅春風一徑斜城中得流水幽處見桃花古
石滋青蘚高亭映晚霞王孫隨意住芳草不離家

與張澤長

與子共止壑園林方未還谷口沁河水門前王屋山紫
荆夾澗對桑柘交枝閑別後東臯月清光照掩關

送隨正姪落第歸

花落鶯啼送子還春光翻自惜衰頰蛾眉已老人何忌
蝸角無爭我欲閑芳草離心千里路夕陽孤影萬重山
回思華髮蕭蕭者雖在紅塵却閉關

隨正赴澧州

江漢何曾到雲山亦自便花明新月夜柳映碧雲天家
習燕人語予賡楚客篇風帆渺何許相憶洞庭船

題恒齋采菊圖二首

秋風宮階日初長掃到蘭亭第幾行珍重畫師秋菊意
百花開後晚花香

瑣院垂簾隔畫陰墨花秋卷共沉吟年光人澹還如菊
猶是飡英飲露心

三月八日晚出西郊宿法華寺

落霞如綺草如茵漠漠晴川烟景新柳陌不隨今夜月
桃花爭見一年春到門雙樹松陰長下榻三迴客夢頻
清梵未殘雞唱曉又驅羸馬逐流塵

雨宿苑外人家

月照深林風葉鳴曾疑夜雨弄秋晴燈前風雨瀟瀟夜
却似長楊樹裏聲

悼姜西溟

牛耳雞壇孰主盟
燈檠風雨暮年情
都將阮籍窮途淚
為送劉伶荷鋤行
黃土文章園草綠
白頭科第榜花明
瓦全玉碎皆由命
敢向詞場薄友生

晦菴論詩

儒林道學費調停
雅頌分明在六經
記得考亭詩法好
先從陶柳入門庭

伊川論道家

九流先列道家名
修養長年事可成
萬古眼前天地在
更於何處得無生

烟玉堂倩向雲澤畫壁

三間草屋櫺籬寬
宴坐深知行路難
細蘂孤花連暮雨
清陰幽竹過春寒
杜門謝客幸無詢
入世逢場甘少懽
謾待向平尋五岳
卧遊須與畫圖看

王石谷寫午亭圖

恕先放誕虎頭癡
自古高人是畫師
不用朱門新樣好
茅菴畫我看山時

冬日齋中草木

竹

時世粧成樣樣新
揚州紅藥可憐春
日斜修竹檀藥晚
誰念天寒翠袖人

梨

東南竹箭幾人栽江船年年秋色回上谷紫梨霜後好
黃柑丹橘一時來

瓜蔓

荒寒繞屋朔風吹一種青門在路歧欲識故土離別意
秋瓜人憶及瓜時

梅

飲冰餐雪在人間獨向東風一破顏不是百花無伴侶
孤花只合在孤山

杏

紅杏東欄雪壓枝晴曛籠靄已迷離對花莫被多情惱
看到成陰結子時

鐘榎海棠

狼籍妖紅照眼明誰知霜雪鬪春晴問君鐵柝花開早
多少丹砂點得成

棗

質如橄欖味甘良露灑風披合得嘗不必荔枝煩蔡譜
教人舉酒酌唐羌

送田生之易水

督亢千年畫未殘烟雲粉本任君看青山遠送荆卿去
不待蕭蕭易水寒

夜行贈蓮士

紅塵已逐綠驄行夜靜街長漏點清風動牆花過比舍

月斜堤柳向西城沙村宿雁迎人起茅店殘燈閃路明
金馬門前閒大隱不來同聽野雞聲

送阮亭大司寇予假歸二首

燕山微雨過晴色擁朱輪畫省留堂印青門待吏人王
程千里近祖道十年頻欲訪龐公去看予孰主賓

以修業

請予假三月

酌酒柳條下清風生綠波天涯芳草在客路夕陽多花
為將離贈鶯成緩別歌慙勤惜分手遲暮意如何

贈術士

可惜長沙傅空尋口者遊干支渾閑事天地莫深愁開
肆客過市跳壺人在樓若無今古恨猿臂亦封侯

郊行贈太倉崑山兩少宰

野色高梁接曙霞玉鞭人指彩虹斜紅泉雨過分流水
綠柳陰多掃落花馬上雲山空夕照樽前風月屬誰家
憑君更憶江南樂畫舫春遊泊晚沙

署中齋居用吳元朗扇上韻送黃自先守澂江兼

寄孔東塘三君皆舊同寮案

芳洲杜若笑當時賴有蘇卿是副知不習簿書來吏舍
回憐風雅在曹司扇因吳猛留仙訣人為荀公作小師
倘過魯城聊寄語絃歌休唱卷中詩

署中語西田之勝疊韻

畫裏江城對赤霞西田春望海天斜賜湖雲擁平泉石

午亭文編卷十七
舊邨香深玉樹花
冰署相逢御月夜
午橋重問令公家
槐陰故事金坡路
門戟頻年長院沙

晚晴臺憶舊遊寄朱竹垞

高臺孤迥獨遊頻
誰道天涯若比鄰
紅樹風來春色老
青山雨後夕陽新
閑門陌上三條路
倚檻樽前十丈塵
寂寂蓬蒿蔣生徑
羊求歸去見何人

送吳天章自天津歸蒲東二首

春芳今欲歇
別思轉悠哉
狗監人難遇
蛾眉老易猜
青山三晉遠
秋色九河迴
千里臨歧意
能無酒一杯

歸到中條隱
高居長薜蘿
清秋臨華岳
落日見黃河
人物雄才老
雲山間氣多
玉谿終古在
相並得金鷄

金鷄天
草齋名

戲題杜上舍著色蘭二首

幽蘭空谷自天真
細寫黃金綠玉勻
豈是丹青工作意
學他紅粉向時人

綺蘭高絕楚騷工
剩有幽芳入畫中
聞道集賢多綵筆
能無風雅續蕭嵩

再疊韻酬果亭少宰見和郊行之作

奇麗澄江散綺霞
自驚西日晚山斜
閑雲欲傷滄浪水
野草還連鄜杜花
白首多時同禁省
青春幾處到山家
綠深桑柘紅橋近
且聽流鶯藉淺沙

夏日對酒簡韻菴少宰兼懷幼芬

松風五月盡塵沙
清晝拋殘又日斜
世上若無千日酒

年事文編卷十七
二
簾前空負一闌花，習池酌非山簡。江左風流是謝家，
却笑後堂君未到。更無人隔絳帷紗。

微雨有懷顯菴果亭

相對忽不樂，相思轉未慵。高齋過微雨，暝色來疎鐘。酒
易金龜換，人難玉塵逢。同君寂默意，吾道適何從。

五月廿七日宿郊館贈主人二首

暝宿投郊館，行行到水涯。晚風官道柳，夕照野墻花。村
近喧歸鳥，川長散落霞。濁醪吾自有，聊與飯胡麻。
來時槐市外，往路半斜暉。馬過嘶芳草，人行戀翠微。山
童疑久客，田叟解忘機。君看茅檐燕，將雛傍夕飛。

出郭

出郭有新意，幽情愜薜蘿。綠楊聽似雨，碧草望如波。牛
笛吟風斷，鶯梭織翠多。閑雲兼慢水，相伴一高歌。

對酒西山下，望裂帛湖。有懷廖芸夫，往年同游香。

山碧雲語江山之勝，兼寄雲間二子。楊玉符董

閩石二首

馬簫獵平蕪，烟波似有無。朗吟山鬼笑，爛醉野人扶。萬
事依雙槳，三生狎五湖。煩君待漁艇，未肯老樵夫。
夕鳥下汀洲，殘虹掛寺樓。遠烟赴山翠，晴雨接波流。昔
別驚蓬鬢，今來憶釣舟。人間詩意盡，入海可同求。

讀顧亭林先生日知錄是潘次耕刻于閩中者却

贈

遺文編舊錄製述繼吾徒詩樂吳公子風騷楚大夫閑
情窮海嶠清論滿江湖萬里山川路離情似昔無

荅孫蔗菴

回看灞陵柳青鬢已皤然江海三千里星霜四十年曾
知新句好將與萬人傳化鶴人還在書來鴻雁邊

晚晴臺懷繆虞良

俯仰皆陳迹登臨是舊遊高臺不頻上明月易深愁琪
樹秋應長銀河曉自流因風問江雁幾日過長洲

王顥菴少宰屬王石谷為余畫午涯烟舫圖且贈

以詩

綠畫春山閣綠畫少宰工欄秋水橋移將三徑裏未覺五

湖遙漢壁波殘浪午涯所緣起吳淞剪半綃圖南鵬萬里蜩

鷺想扶搖

憶舊寄繆虞良

舊日同遊處西窗暗網塵阮家簾飯久萊子綵衣新昔
送之官客今思解組人共知捧檄意失喜為慈親

疊兩少宰見和韻二首余夙有江南之思三公皆吳人故托興乃爾

平生湖海意飛動不曾慵千里吳洲月長江建業鐘烟
波定相訪鸞鶴偶然逢正想雲亭字先須載酒從

藻鑑今焉用文書祇自慵無言温室樹每過夕陽鐘汗
漫期何處淹留惜易逢舊游東郭子又得二年從

用莊子
一年而野二年而從蓋與太倉公又同事二年矣

酬周鐵門贈詩即送之之官

紅雲曉近海綠烟春滿畿送君宰赤縣柳絮飄行衣燕
市酒罈滿漁陽桑葉稀幽蘭在修坂及爾同芳菲

夏夜過潛齋示壯履

閉門來月砌散帙坐風簷鳥宿新移樹螢流夜捲簾辭
多蒙向秀夢欲謝江淹文史成漂泊潛夫畢竟潛

題庭前合歡花懷杜遇徐

往年曾贈花葉釀酒

綠細分朝靄紅輕暈早霞本無蠲念意况有合權花舒
卷時常定陰晴亦未差美人曾折贈零落惜年華

題朱悔人京華藁

榮華寂寞在斯須一卷新詩酒滿壺君看昭王舊臺館
至今秋草不曾無

午睡起為人書道德經二首

歸去青牛更莫論怪他紫氣在關門五千言費三錢筆
盡寫何曾有一言

卯酒昏昏問谷神午窗風竹影移頻不須更借邯鄲枕
已是華山睡裏人

重陽前一日招悔人卓崖元朗亮工家子文

秋社纔遊未隔旬籬邊風物又催人有涯早識吾生老
多事還憐野菊新天外孤鴻偏過眼鏡中雙鬢已傷神
明朝欲赴登高約揖擋樽前放浪身

常道士山房水石清供

水石清秋淨法筵人間自有一山川雖然雲樹參差影
看盡空明四界天

圓通院有贈

縹緲紅樓原上村西來飛錫駐前軒橋迴流水供侵案
木落清風為掃門按劍恐因驚白壁繫珠今已照黃昏
百年耆宿三生舊初地新從萬事論

冬日早卧示與可

踏盡秋街落葉霜歸來枕肘卧斜陽燈花已久看重結
香篆微銷耐許長節後蒹葭多晚景年殘髮白赴流光
睡餘翻覆連牀被又是槐根夢一場

寄懷王大宗伯吳廬金陵五首

後湖真並鏡湖論一曲烟波是異恩試看東山相對出
城南元有謝公墩

玉樹庭前春又歸過江門第世應稀到時芳草橋邊路
正及烏衣燕子飛

離騷讀罷意何如楚客頻年賦卜居千里長江建業水
東流兼得武昌魚

結綺臨春事已休輕烟淡粉對荒丘憑君收入人天偈
樓子因緣在上頭

摩詰流傳秀句香冶城風景輞川莊江山畫裏移家住
秋色依然華子岡

午亭文編卷十七

男壯履恭較

...

...

...

...

...

...

...

...

...

